

KLINIČKI CENTAR
UNIVERZITETA U SARAJEVU
Služba za javne nabavke

Broj: 43-04-4-22126-4
Sarajevo, 11-03-2026

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl. novine FBiH br. 73/13), član 24. stav 1. Pravilnika o javnim nabavkama Kliničkog centra Univerziteta u Sarajevu (65-04-2-4654 od 01.02.2023. godine) na prijedlog Komisije za javnu nabavku Izvještaj br. 73-33-4-27126-3 od 04.09.2026. godine, Generalni direktor donosi:

ODLUKU

o izboru najpovoljnijeg ponuđača za
„Nabavku aparata za polisomnografiju za potrebe Klinike za neurologiju“

I

Prihvata se prijedlog Komisije, po Izvještaju br. 73-33-4-27126-3 od 04.09.2026. godine, nakon provedenog otvorenog postupka objavljenog na portalu e-nabavke dana 22.07.2026. godine pod brojem obavještenja 893-1-1-369-3-855/26 za „Nabavku aparata za polisomnografiju za potrebe Klinike za neurologiju“, i ugovor dodjeljuje najpovoljnijem ponuđaču:

NEW TECHNOLOGY d.o.o. Sarajevo

Predmet nabavke: „Nabavka aparata za polisomnografiju za potrebe Klinike za neurologiju“

Proizvođač/tip/model: Sonata Patient rekorder, Dr.Fenyves und Gut, Deutschland GmbH

Ukupna vrijednost nabavke bez PDV-a: 58.700,00KM

Iznos PDV-a 17% : 9.979,00KM

Ukupna vrijednost ugovora sa PDV-om: 68.679,00KM

- Cijena je nepromjenjiva za cijeli ugovoreni period do okončanja ugovorenih obaveza;
- Plaćanje ugovorenih obaveza vršit će se odgođeno u roku 30 dana od dana isporuke, puštanja u rad, edukacije osoblja i ispostavljanja fakture. Sredstva za nabavku obezbjeđena od strane Federalnog Ministarstva zdravstva-sredstva konsolidacije.
- Rok za isporuku, puštanje u rad i edukaciju osoblja: 60(šezdeset) dana od dana potpisivanja ugovora i prijema narudžbenice od strane ugovornog organa;
- Garantni period u trajanju od 12(dvanaest) mjeseca za isporučenu opremu teče od dana puštanja u rad. Sve troškove održavanja za vrijeme trajanja garantnog perioda snosi Dobavljač.
- Predviđeno je zaključivanje jednokratnog ugovora do okončanja ugovorenih obaveza

II

Izabrani ponuđač NEW TECHNOLOGY d.o.o. Sarajevo, sa sjedištem u Ul.Nova cesta br.11, Semizovac, 71000 Sarajevo, je dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14, 59/22 i 50/24), te iste nije u obavezi ponovno dostavljati.

III

Ova odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.


OBRASLOŽENJE

U skladu sa Odlukom KCUS-a broj: 73-04-4-21454-2 od 08.07.2026. godine, pokrenut je otvoreni postupak nabavke objavljen na portalu e-nabavke pod br. 893-1-1-369-3-855/26 od 22.07.2026.godine za „Nabavku aparata za polisomnografiju za potrebe Klinike za neurologiju“. Procijenjena vrijednost nabavke iznosi 58.800,00 KM bez PDV-a. Predviđeno je zaključivanje jednokratnog ugovora do okončanja ugovorenih obaveza.

Nabavka je planirana Izmjenama i dopunama Plana javnih nabavki za 2026. god. pod kategorijom „robe-investicije“ redni br. 284 (Odluka o usvajanju Izmjena i dopuna Plana javnih nabavki Kliničkog centra Univerziteta u Sarajevu za 2026. godinu, br. protokola 65-04-2-4149-1 od 12.03.2026. godine). Sredstva za nabavku obezbjeđena od strane Federalnog Ministarstva zdravstva- sredstva konsolidacije.

Uslovi plaćanja predviđeni za postupak nabavke su : odgođeno plaćanje u roku 30 dana od dana ispostavljanja računa (na osnovu dopisa Sektora za finansijske, knjigovodstvene i planske poslove br. 56-11-3-39457 od 17.11.2025.godine).

Ugovorni organ je 22.07.2026.godine objavio tendersku dokumentaciju pod brojem 893-1-1-369-3-855/26 na portalu e-nabavke koju je preuzelo Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 13 (trinaest) potencijalnih ponuđača i to: EKAPIJA d.o.o.; ELTA 90MB D.O.O; INSTRUMENTS; TENDERI DOO; SANITARNO EKOLOŠKA I PREVENTIVNA ZAŠTITA DERATIZACIJA D.O.O; BBS EUROPE; RAUCHE MEDICAL D.O.O;



SONO MEDICAL DOO; „INEL BH“ DRUŠTVO ZA PROMET MEDICINSKOM OPREMOM I POTROŠNIM MATERIJALOM; „TUZLA-FARM“ D.O.O TUZLA; NEW TECHNOLOGY D.O.O. SARAJEVO; MINERVA MEDICA D.O.O I NEXEN.

Do krajnjeg roka za dostavljanje ponuda 09:30 sati dana 21.08.2026. godine na Protokol Kliničkog centra Univerziteta u Sarajevu na osnovu Zapisnika o zaprimanju ponuda br. 73-33-4-27126 od 21.08.2026. godine zaprimljene su 2(dvije) ponuda ponuđača i to:

Red. broj	Naziv ponuđača	KCUS broj, datum i vrijeme prispjeća ponude	Cijene za poređenje bez PDV-a (KM)
	Tuzla-Farm d.o.o Tuzla	10-11-3-26771 od 18.08.2026.godine u 08:46 h	58.800,00
	New Technology d.o.o. Sarajevo	10-11-3-27072 od 20.08.2026.godine u 13:04 h	58.700,00

Komisija imenovana Odlukom broj: 73-04-4-26724 od 17.08.2026.godine je izvršila detaljnu analizu i ocjenu dostavljenih ponuda i Zapisnikom o pregledu i ocjeni ponuda br. 73-33-4-27126-2 od 03.09.2026.godine konstatovala da dostavljene ponude ponuđača TUZLA-FARM d.o.o. Tuzla i NEW TECHNOLOGY d.o.o.Sarajevo ispunjavaju formalno-pravne uslove, odnosno dostavljena je dokumentacija u skladu sa tačkom 3.1.1. Tenderske dokumentacije.

Nakon provjere formalno-pravne ispravnosti ponuda Komisija je izvršila i analizu dostavljene dokumentacije traženu Tehničkom specifikacijom (Aneks 3) uz komparaciju sa dostavljenom prospektnom kataloškom dokumentacijom i tom prilikom konstatovala slijedeće:


1. Ponuđač **TUZLA-FARM d.o.o Tuzla**, je ponudio aparat za polisomnografiju proizvođača SOMNOmedics kao ekvivalen traženim karakteristikama tačkom 1.1. što je Komisija prihvatila, ali u dostavljenoj Tehničkoj specifikaciji sa prospektnom dokumentacijom nije dokazao sve tražene karakteristike te je ponuda ocjenjena kao **NEPRAVILNA** iz slijedećih razloga:

Analizom Tehničke specifikacije - Aneksa 3 dostavljene u ponudi ustanovljeno je da je ponuđač u tabelarnom dijelu za tražene tehničke karakteristike označio ispunjavanje zahtjeva sa „DA“. Međutim, za sve navedene stavke nije naveo broj stranice kataloškog materijala na kojoj se konkretna tehnička karakteristika može provjeriti, iako je Aneksom 3 izričito zahtijevano dostavljanje printanog kataloškog materijala sa obilježenim i označenim tehničkim karakteristikama, uz navođenje broja stranice na kojoj se predmetni podatak nalazi. (1.6,2.1,2.5,2.9,,2.11,2.12,2.13,2.14,4.1,4.2,4.3,4.4.). Nedostatak je utvrđen kod 12 stavki na kojoj se predmetni podatak nalazi. Samo označavanje stavke sa „DA“ predstavlja samo potvrdu ponuđača o ispunjavanju zahtjeva, ali bez Tehničke specifikacije. Samo označavanje stranice kataloškog materijala nije omogućena neposredna i nedvosmislena provjera navedene tehničke karakteristike u dostavljenoj dokumentaciji, na način kako je to zahtijevano Aneksom 3. Slijedom navedenog, kod predmetnih stavki postoji odstupanje od zahtijevanog načina dokumentovanja i dokazivanja usklađenosti ponuđenog uređaja sa tehničkim zahtjevima definisanim tenderskom dokumentacijom.

Zahtjev iz tačke 2.1. tehničke specifikacije, koji se odnosi na **multikorisničku licencu bez potrebe obnavljanja**, ponuđač je naveo u svojoj ponudi „DA“. Međutim, ponuđač nije jasno označio stranicu na kojoj je navedena predmetna karakteristika, niti je u dostavljenoj dokumentaciji moguće nedvosmisleno utvrditi da ponuđeno softversko rješenje ispunjava navedeni zahtjev.S obzirom da je tehničkom specifikacijom izričito zahtijevana **multikorisnička licenca bez potrebe obnavljanja**, potrebno je bilo da ponuđač dostavi jasnu i nedvosmislenu potvrdu ispunjavanja ovog zahtjeva, uz navođenje tačne stranice tehničke dokumentacije ili drugog odgovarajućeg dokaza iz kojeg je navedena karakteristika vidljiva.Ukoliko se iz dostavljene prospektne dokumentacije ne može utvrditi ispunjavanje predmetnog zahtjeva, isti se ne može smatrati dokazanim samo na osnovu opće izjave ponuđača.

U tački 2.3. tehničke specifikacije traženo je **“online spremanje podataka direktno na HDD putem USB konekcije”**. U dostavljenoj ponudi ponuđač je naveo da se prijenos odnosno spremanje podataka vrši putem **Wi-Fi i Bluetooth konekcije**, što nije u skladu sa načinom povezivanja i prijenosa podataka izričito zahtijevanim tehničkom specifikacijom.S obzirom da je tehničkom specifikacijom jasno definisana **USB konekcija za online spremanje podataka direktno na HDD**, navedene Wi-Fi i Bluetooth konekcije mogu da predstavljaju ekvivalent traženoj USB konekciji.

Tačka 4.1. – Audio-video nadzor pacijenta- tehničkom specifikacijom je zahtijevano da sistem omogući audio-video nadzor pacijenta tokom noći putem mrežne kamere visoke kvalitete, sa fiksnom žarišnom dužinom i horizontalnim uglom gledanja od najmanje 110°, koja je u potpunosti kompatibilna sa polisomnografskim sistemom i pripadajućim softverom, uz mogućnost automatskog prebacivanja dnevnog i noćnog režima.Ponuđač je ispunjavanje navedenog zahtjeva označio sa „DA“.Međutim, pregledom dostavljene tehničke dokumentacije i kataloškog materijala nije moguće nedvosmisleno potvrditi ispunjenost svih pojedinačno zahtijevanih tehničkih karakteristika iz ove tačke. Posebno nije pronađen jasan podatak kojim se potvrđuje da ponuđena kamera ima fiksnu žarišnu dužinu i horizontalni ugao gledanja od najmanje 110°, niti je za navedene karakteristike ponuđač naveo odgovarajuće stranice kataloškog materijala na kojima bi se iste mogle provjeriti.Istovremeno, iz dostupne



prospektne dokumentacije proizvođača SOMNOmedics može se potvrditi da SOMNO HD sistem podržava video nadzor u okviru polisomnografskog sistema, kao i funkciju automatskog prebacivanja dnevnog i noćnog režima. Međutim, navedeno samo po sebi nije dovoljno za potvrdu da konkretno ponudena kamera ispunjava sve parametre definisane tačkom 4.1. tehničke specifikacije. Komisija stoga konstatuje da, uprkos tome što je ponuđač predmetnu stavku označio sa „DA“, dostavljena dokumentacija ne omogućava nedvosmisleni provjeru ispunjenosti svih zahtjeva definisanih tačkom 4.1. tehničke specifikacije, posebno zahtjeva koji se odnose na fiksnu žarišnu dužinu i horizontalni ugao gledanja od najmanje 110°.

Tačka 4.2. – Rezolucija video kamere tehničkom specifikacijom je zahtijevano da sistem posjeduje video kameru sa minimalnom rezolucijom 1920 × 1080 piksela (Full HD). Ponuđač je ispunjavanje navedenog zahtjeva označio sa „DA“. Međutim, pregledom dostavljenog kataloškog materijala utvrđeno je da se za ponudenu kameru navodi oznaka HD kamera, pri čemu u dostavljenoj dokumentaciji nije pronađen nedvosmislen tehnički podatak kojim se potvrđuje rezolucija od najmanje 1920 × 1080 piksela (Full HD).

Tehnička razlika između HD i Full HD formata je značajna. Standardni HD (1280 × 720) format ima ukupno 921.600 piksela, dok Full HD (1920 × 1080) ima 2.073.600 piksela. Full HD stoga ima približno 2,25 puta veći broj piksela od HD rezolucije, što omogućava detaljniji prikaz slike.

Prema tome, sama oznaka „HD kamera“ ne predstavlja potvrdu ispunjavanja zahtjeva „1920 × 1080 (Full HD)“, jer se radi o različitim nivoima rezolucije. Za potvrdu ispunjenosti zahtjeva potrebno je daprospektna dokumentacija za konkretnu ponudenu kameru nedvosmisleno navodi rezoluciju 1920 × 1080 piksela ili veću.

Budući da ponuđač, iako je predmetnu stavku označio sa „DA“, nije dostavio nedvosmislen tehnički dokaz kojim se potvrđuje zahtijevana minimalna rezolucija, Komisija konstatuje da iz dostavljene prospektne dokumentacije nije moguće potvrditi usklađenost ponuđene kamere sa zahtjevom iz tačke 4.2. tehničke specifikacije.

Iz navedenih razloga ponuda ponuđača TUZLA-FARM d.o.o. Tuzla ocijenjena je kao NEPRAVILNA i ista se ne uzima u dalje razmatranje.

2. **Analizom ponude ponuđača NEW TECHNOLOGY d.o.o. Sarajevo**, Komisija je konstatovala da je ista dostavljena u skladu sa svim zahtjevima Tenderske dokumentacije, ista ispunjava formalno-pravne i tehničke zahtjeve iz Aneksa 3 i dostavljene prospektne dokumentacije i ocijenjena je kao **PRIHVATLJIVA i može učestvovati u daljem postupku nabavke.**

Postupak e-aukcije:

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, postupak se okončava u skladu sa članom 69. Tačka 1) a) ZJN.

Uzimajući u obzir naprijed navedno, Komisija Zapisnikom o pregledu i ocjeni ponuda br. 73-33-4-27126-2 od 03.09.2026. godine i Izvještajem br. 73-33-4-27126-3 od 04.09.2026. godine predlaže da se ugovor za **“Nabavku aparata za polisomnografiju za potrebe Klinike za neurologiju”** dodijeli ponuđaču **NEW TECHNOLOGY d.o.o. Sarajevo** koji je jedini dostavio prihvatljivu ponudu.

Prijedlog Komisije je prihvaćen i donosi se odluka kao u dispozitivu.



GENERALNI DIREKTOR KCUS-a

14

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Služba za javne nabavke
- a/a KCUS